

閩中撫聞卷八

閩晉江陳雲程孫鵬輯

汀州府

通志云天下之水皆東惟汀獨南南丁位也郡名汀州取此
九龍灘上下二十餘里每過一灘兩岍石峽如闕水中石高可數
丈如龍橫截其間屈曲如之乘舟直下一似墜天稍失手卽百
能不救凡舟至此須沽酒市牲拜禱龍王舟人更取竹編篋葉
裹船頭以拒浪倩本土最能者爲之攔護然後敢下者舊傳宋
元時舟楫不通元陳有定始鑿以運汀糧然張籍寄元汀州詩

閩中撫聞

汀州府

有爲郡暫辭雙鳳闕全家遠過九龍灘之句則唐時已行舟矣
○九龍灘曰長龍安龍傷龍馬龍三悟龍五白龍與龍暮龍下
長龍

宋嘉祐中蔡襄守泉州有布衣投刺上謁自稱寧化九龍道士襄
不知其爲神也延之入忽不見取刺而觀得詩云遠遠青青疊
疊峰峰前真宰讀書翁半巖冷落高宗雨一洞淒咏吉甫風溪
隱豹眠寒霧露井凋鳳宿舊梧桐九龍山下英雄氣盡屬君王
宇宙中明年襄過九龍謁廟亦答以詩

寧化城西有顯應廟神爲草倉將軍姓長孫名山李綱南謫日過

此題詩云不愁芒屨長南浦願靈旗助北征
酌徹一杯揩望眼烟雲何處是三京刻之于石

曾婦晏氏夫死守幼子不嫁宋紹興間賊寇寧化晏依山爲砦賊遣人索婦女金帛晏召田丁諭曰汝曹衣食我家汝念主母各當致命不勝卽殺我因解首飾悉與之田丁感泣用命晏自槌鼓使諸婢鳴金賊退鄉人挈家趨砦者甚多乃析砦爲五互相引援賊弗能攻凡存活老幼數百人

劉安之女九齡遇羽人談道得度及笄許妻何氏忽有白鷺從空墜劉女乘之而去陳軒詩云白鷺乘去人何在青鳥飛來信已

閩中撫聞

汀州府

二

遙若使何郎有仙骨也須同引鳳凰簫

文文山提兵勤王過歸化明溪題莘七娘廟云百萬貔貅掃虎狼家山萬里受封疆男兒若不平妖亂死愧明溪莘七娘七娘五代時人從夫征討夫歿於明溪七娘葬之遂居焉宋時著靈鄉人構祠墓前祀之

歸化陳有定以克復陳友諒所侵地授福建行省平章政事據有閩地明將湯和以書諭降有定殺使者置血酒中飲之誓以死報後仰藥不死被執送京師臨歿有詩云失勢非人事重圍戟似林乾坤今已老不死舊臣心子宗海聞父被執自將樂來同

赴京死

明潮陽林大欽及第假歸道經上杭舊有偶句云白水澌頭白屋
白雞啼白晝未有對者大欽隨地問名去縣五里許得句云黃
泥壠口黃家黃犬吠黃昏人稱其工麗蓋白水澌黃泥壠悉縣
轄也

亭亭畫舸繫春潭只待行人酒半酣不管烟波與風雨載將離恨
過江南嘗有人于客舍壁間見此詩莫知誰作或云鄭兵部仲
賢也好事者填入樂府

永定分水嶺路通上杭怪石巖巖亘絕險巖明成化中邑令玉環

閩中撫閩

汀州府

三

鑿石開道銘其巖曰千古乾坤胚胎永定成化肇分萬年歸正
伊天祐寧化人知桃源縣縣有華輪寺男女喧雜禁之不止一日
突輿至寺令僧各負一女監送還家自是慚悔無敢至者邑歲
有無碍錢三千兩留爲郡守壽吏以例告天祐曰此何言也不
雨自天不礙自地烏有積金三千尙云無碍者竟請裁之

國朝周櫟園

亮工

以叅政駐節上杭時山海交警周日夜登陴戒
嚴作詩示友云海水羣飛百丈高同君城上擁弓刀戰癡莫向
燈前看恐惹霜華上鬢毛

張九齡詩云謝公樓上好醇酒五百青蚨買一斗樓在長汀縣南

今為士女遊觀之所黎媿曾土宏閩酒曲云板橋官柳拂波流

也勾春朝半月遊數盡紅衫分隊隊齋錢齋上謝少樓按周櫟

園作閩茶曲媿曾作閩酒田以配之又云長槍江米接鄰香冬

至先教辨壓房燈子才光新月好傳箋鎮重喚人嘗汀俗冬至

而壓房一種社前宿雨暗荆門接手東鄰隔短垣直待韓婆風

力軟一厄陽鳥各寒溫長汀呼冷風為韓婆風需炭者祀韓婆

新泉短水拍香浮十斛黎香載扁舟獨讓吳兒專價值編蒲泥

印冒蘇州上杭酒之佳者曰短水猶縮閒分飲部酒如潮三合

東坡滿一蕉讓却登增銀海子久安中戶注風消汀人以薄酒

閩中撫閩 汀州府

四

會酌當爐細埔中高帘短柳逆糟風近無人乞雙頭賣幾戶朱

牌掛半紅上酒為雙頭誰為狡獪試丹砂却令紅娘字酒家怪

得女郎新解事隨心亂揮兩三花釀家每當酒熟時其色變如

神仙過門則然家以為吉祥之兆插花賞之

順治三年大圖章京率大兵至百步鋪見二僧云城即開幸勿傷

民言訖不見明日章京召郡民詢之且述二僧形狀民曰郡有

定光伏虎二古佛者近是章京乃詣寺揭帳視之即前二僧也

命鼎新其寺○定光泉人姓鄭名自嚴十一歲出家除蛟制龍

道法宏通淳化八年坐化於武平之南巖伏虎寧化人姓葉法

名惠寬有馴虎之異

汀州有蒼玉洞道旁兩石如門內有烟巖仙掌鶴巢抱雲等石清
氣逼人郡人多觴詠于此又一石鐫李斯壽字與今篆文頗異
寅湖在郡城東北中有小阜水深不沒許殿輔晚眺詩云秋淨湖
光浸碧紈青螺小影鏡中看晚風吹得垂楊瘦人似襄陽怯薄
寒人家樹影半扶疎堤上秋風老碧梧小艇無人拋桂槳不將
烟雨畫東湖又有子湖在城東辛湖在城西皆以方位得名